

ՊԱՇՏՈՆԱԳԱՆՔ

ԱՄԵՆԱՅՆ ՆԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՆԲԸՄ ՆԱԽԱԳԱՏԻՆ

Հունվարի 29-ին, Մայր Աթոռ Սուրբ Էջմիածնում, Ն.Ս.Օ.Տ.Տ. Գաբրիել Բ Ծայրագույն Պարթիարք եւ Ամենայն Հայոց Կաթողիկոսն ընդունեց Հայկական Բարեգործական Ընդհանուր Միության նախագահ Պերճ Սեդրակյանին:

Հանդիպման ընթացքում անդրադարձ կատարվեց ՆԲԸՄ լայնածավալ ազգանպասար գործունեությանը Սփյուռքի հայ համայնքներում եւ Հայրենիքում, Հայաստանյայց Առաքելական Սուրբ Եկեղեցու հետ սերտ համագործակցությանը եւ քննարկվեց համարել իրականացվող ծրագրերի ընթացքը:

Ողջունելով ՆԲԸՄ նախագահի այցը ամենայն հայոց հոգևոր կենտրոն՝ Նորին Սրբությունը, ի դեմս Կիսր Պերճ Սեդրակյանի, գոհունակություն հայտնեց ՆԲԸՄ անդամների կողմից Մայր Աթոռ Սուրբ Էջմիածնի հանդեպ դրսևորվող նվիրումի եւ աջակցության համար, որի շնորհիվ Մայր Աթոռը առավել բարեգարգվում է, ինչպես նաև շարունակում է իրականացնել մի շարք կրթական եւ սոցիալական ծրագրեր: Հայաստանի պատմության եւ հայորդիների քրիստոնեական, հայեցի դաստիարակության գործում Վեհափառ Հայրապետը մեծապես կարևորեց ՆԲԸՄ գործակցությունը Հայ Եկեղեցու աշխարհասփյուռ թեմերի հետ:

Իր խոսքում Նորին Սրբությունը նաև մասնավոր գնահատանք հայտնեց ՆԲԸՄ նախագահին եւ իր փոխին Վերա Սեդրակյանին, ում ազնիվ բարերարությամբ Մայր Աթոռում ներկայիս ընթանում են Հին Վեհարանի հիմնադրոգության եւ վերակառուցման աշխատանքները:

Իր հերթին ՆԲԸՄ նախագահը Նորին Սրբությանը ներկայացրեց Միության բազմաթիվ ծրագրերը, այդ թվում նաև Երևան քաղաքում ՆԲԸՄ կենտրոնի կառուցման ընթացքը՝ վստահություն հայտնելով, որ այն մեծապես պիտի նպաստի գործունեության ընդլայնմանը: Տիար Պերճ Սեդրակյանը Վեհափառ Հայրապետին տեղեկացրեց Սփյուռքի փարբեր համայնքների վիճակի եւ թեմական կառույցների հետ ձեռավորված գործակցության մասին: Նա նաև ընդգծեց, որ ՆԲԸՄ ներկայիս գործունեության մեջ հիմնականում ուշադրություն է դարձվում երիտասարդ սերնդին, նրա հայրենասիրական ոգու կերպմանը, ազգային ինքնության ամրապնդմանը, որով հայ համայնքներում իրականացվում են բազմաթիվ ծրագրեր, ինչպես օրինակ՝ համացանցի միջոցով

հայոց լեզվի ուսուցում և բազում այլ նախաձեռնություններ, նաև կազմակերպվում են ամառային ճամբարներ և հայրենիք այցելություններ: ՎԲԸՄ նախագահը Միության անդամների անունից վերստին որդիական սերը հայրենեց հայ Եկեղեցու և Մայր Աթոռ Սուրբ Էջմիածնի հանդեպ՝ վստահեցնելով, որ Միությունը շարունակելու է ըստ ամենայնի նպաստել հայ Եկեղեցու առաքելության իրագործմանը հայ ժողովրդի կյանքում:

Հանդիպման ավարտին Ամենայն հայոց Կաթողիկոսը ՎԲԸՄ նախագահին մաղթեց արդյունավետ գործունեություն հանուն հայաստանի և Արցախի բարգավաճման, Սփյուռքի հայ համայնքների ազգային կյանքի գորացման, մեր ժողովրդի բարօրության և նվիրական իղձերի իրականացման:

ՄԱՅՐ ԱԹՈՐ Ս. ԷՋՄԻԱԾՆԻ
ՏԵՂԵԿԱՏՎԱԿԱՆ ՂԱՄԱԿԱՐԳ